



UNIVERSITÄTS-
BIBLIOTHEK
PADERBORN

**Principia Juris Canonici : Ex Libro ... Decretalium Gregorii
IX. Pontificis M / Antehac In Alma & Archi-Episcopali
Benedictina Universitate Salisburgensi**

König, Robert

Salisburgi, 1725

VD18 80460526

14. De Clericis pugnantibus in duello.

[urn:nbn:de:hbz:466:1-61800](#)

TITULUS XIV.
De Clericis pugnantibus in
duello.

SUMMARIA.

1. *Duellum quid nominis?* 2. *Quid rei?* 3. 4. *Quotam plex?* 5. 6. 7. *An, & quando sit licitum?* 8. 9. *Quinam ad duelum concurrant?*
10. *Naque 14. adducuntur requisita duelli.* 15. *af- signatur duelli finis.* 16. & seqq. *Recensentur pauci duellantium.*

§. I.

Duellum quasi duorum bellum dicitur, & latius quidem quodcumque duarum partium, strictè vero, & in sensu hujus rubrica denotat singulare certamen duorum, quod græcè monomachia appellatur in c. monomachiam. 22. causa 2. quest. 5. sine dubio ideo: quia duelum non solum præsens periculum, sed directam quoque intentionem nocendi, & proximum occidendi, aut vulnerandi involvit, atque ut Trident. sess. 25. de Reform. c. 19. loquitur, detestabilis duellorum usus fabricante diabolo introductus est, ut cruentâ corporum morte animarum etiam perniciem lucretur.

§. II.

2. *Definitur duelum, quod sit singularis pugna duorum inter se ex condicione suscepta.* Hostiens. b. t. n. 1.

§. III.

3. *Dividitur duelum I. in privatum, & solenne.* Privatum est, quod fit absque solennitatibus ex condicione tamen, & statuto tempore, ac loco opportuno. Solenne, quod fit servata certa formâ, & ordine, habitâ loci secutitate (campum francum vulgo vocant) assistentibus Patriniis, seu Secundantibus, ut nunquam, aliisque provocatoriis solennitatibus præmissis. Desselius b. t. erotem. 2.

4. II. *Dividitur duelum in judiciale, & extra-judiciale.* Judiciale est, quod in causis controversis, maximè criminalibus, plenis defendantibus probationibus, litigatores eō paclō inceunt, ut victor eo in duello suam intentionem eā ipsā victoriā probare censeatur. Atque hoc Veteribus venit nomine Kampff, & Kampff-Recht, nigrōque lapillo notatur in c. 2. b. t. & c. 1. & 2. de Purgat. vulg. Extra-judiciale est, quo spretā judiciorum, &

Magistratus auctoritate multi suæ iræ, ambitioni, vindictæ, & affectibus frenâ laxant, & plerumque pro honore adserendo, aliave injuriâ, vel contumeliâ qualicunque depellendâ, aut eradendâ privato ausu, ac temeritate fuisse decertant. Gonzal. in c. 2. n. 8. b. 1.

§. IV.

Causa efficiens duelli est vel remota, vel proxima.

Remota est jus tam Divinum, quam humanum: quaeunq; enim ex causa duelum inceatur, non tantum jure Canonico, ac Civili sub gravissimis penis, sed etiam jure naturali prohibitum est ac illicitum. c. monomachiam. 22. causa 2. quest. 5. sine dubio ideo: quia duelum non solum præsens periculum, sed directam quoque intentionem nocendi, & proximum occidendi, aut vulnerandi involvit, atque ut Trident. sess. 25. de Reform. c. 19. loquitur, detestabilis duellorum usus fabricante diabolo introductus est, ut cruentâ corporum morte animarum etiam perniciem lucretur.

Duos tamen casus communiter assignant DD. quibus duelum licitum, permisumque est. Primus est, si interesse publicum exigat, ut si duo Belliduces, aut certus militem numerus ex utroque hostili exercitu committantur ad finem dirimendi controversiam Principum, & beli longioris calamitates evitandi. Sic David singulare certamen inuit cum Goliath. 1. Reg. 17. Marcus Valerius Gallum duello vicit, à corvo adjutus, unde Corvinus nominatus. Livius lib. 3. cap. 2. Ochus contra Cardusios militans Barbarum provocante dejectit. Justin. lib. 10. Eduardus III. Anglie, & Francie Rex provocavit Philippum VI. Valerium: Fanciscus Galliae Rex Carolum V. Imperatorem: Carolus Sueciae Rex Christiannum IV. Regem Danie: Carolus Ludovicus Elector Rheni Comitem Turrenum. Extra talēm casum verò nec militibus duella sunt permitta, ut ut Bellidux licentiam dederit, ut con-

constat ex Bulla Clementis VIII. quæ incipit. illius vices. Zocl. b. tir. num. 6. Layman in Tcol. mor. lib. 3. tr. 3. p. 3. cap. 5. num. 3.

Alter casus justi duelli est, si provocatus ob defensionem vita, honoris, vel bonorum cum aggressore congregatur; nec alio praesidio tutus esse, aut periculum declinare possit; veluti si ei in continentu duellum offeratur, & nolenti suscipere, susles, ictus, aut vulnera intententur. Quodsi intervallum concedatur, atque ad certum locum, aut diem provocatio sit, causa, quæ vulgo allegari solet, conservandi honorem, & respectum suum, ordinatio non excusat comparentem: tum quia aliò mesio, mediante scilicet Judice competente, honorem suum vindicare, aut conservare potest; tum quia licet judicis improborum hoc ipsum probosum putetur, & ignavum, quod provocatus judicem accedit, duellumque detrectet, nihilominus, ut alias non quovis modo honorem, & reputationem conservare, aut conciliare licitum est, ita neque duello, quod omnia iura execrantur. P. Engl b. t. n. 10.

Causa efficiens proxima duelli sunt duellantés, quo um alter provocans, alter provocatus dici solet: & omnes, qui quoquo modo ad id concurrunt, veluti Principes, & quiunque Domini temporales, qui locum ad monomachiam, seu duellum concedunt: duellantum Patrini, seu secundantes: instigantes, consilium, auxilium, arma, favorēmque dantes; item spectatores, qui ex compōsito ad spectandum duellum comparent, ut præsentia suā duellantēs animosiores reddant; illi, qui in occulto, vel tantum in transitu conspicunt duellantēs, aut detinentur animo eos dividendi, proprii spectatores non sunt. De his omnibus agit Trident. sess. 25. de Reform. c. 19. & ibi DD.

§. V.

Objectum duelli sunt corpora duellantū, quæ mortis discrimini objicit. Unde duello

se committens quasi duplicitis homicidii reus sit: proximi, cui vitam eripere laborat; & sui ipsius, dum vitam suam, cuius DEUS arbitritur est, sorti, & morti exponit.

§. VI.

Forma duelli delimitur à requisitis, quæ duorum sunt generum: quædam duello privato & solenni sunt communia, quædam huic propria.

Inter communia requisita duelli primum est, ut ex actu deliberato ab utraque parte, & ex condicto suscipiantur. Hinc à poenis duelli excusat, qui occasione rixæ ad provocationem devenerunt, & durante calore iracundiae nullo intervallu moraliter intercedente ad aliquem locum idoneum se conferunt, ibique digladiantur; siquidem quando provocatio, & pugna ex subito iræ calore procedunt, non sunt duæ, sed una moraliter actio, quæ rixa potius, quam duellum dicenda est, cum præcipue principium inspiciendum sit, non finis. Aloys. Ricc. in prax. rer. for. Eccles. decis. 634. Cæsar. de Panimoll. decis. 144. num. 3. & 4. Barb. ad Trid. d. sess. 25. c. 19. num. 10.

Alterum requisitum commune est designatio certi temporis, & loci, ita ut si condicatur locus duntaxat, vel duntaxat tempus, non sit duellum. Bonacin. de Excommunic. disp. 2. q. 6. punct. 1. n. 14. Quamobrem excommunicationi, aliisque poenis duellantum locus non est, si dum duo rixantur, alter dicat: venè foras; exere gladium; examus; expecta, doc- nec veniam; invito te ad pugnam; tecum pugnabo prima vice, quæ per urbem tibi obviana fuero &c. Tamburin. lib. 6. c. 1. §. 3. n. 12. Jacob. Pignat. tom. 1. consult. 317. ubi refert, S. Congregationem Concilii in una Segobiens. die 15. Octob. 1644. declarasse, mortuum in ejusmodi rixa sepulturâ Ecclesiastica non privari.

Tertio requiritur tale genus armorum, ac

COR-

configendi modus, ut duellantibus probabile periculum mortis immineat. Qua de causa si mulieres inter se verbis, aut evulsione capillorum altercentur, aut viri pugnis, virgâ, vel levi baculo congregiantur, duellum non erit, et si aliquando mors subsequatur. Bonac. d. punct. I. n. 11. Filliuc. tr. 15. c. 5. q. 5. n. 107. Interim non solum in illis casibus, ubi duella omnino fatalia, eaque conditione, vel intentione non desistendi, donec alter prostratus jaceat, inita sunt, verum etiam tunc omnes censuræ & poenæ obtinent, si inter duellantibus, & patrinos leges positæ sunt de dirimendo certamine, quam primum alteruter vulneratus fuerit, sive sanguinem fuderit, aut si de certo iustum, vel congressuum numero conventum & cautum sit, prout expressè declaravit Clemens VIII. in cit. Bulla. *Illi vices.*

23 *Quarto nonnulli ad duellum requirunt, ut pugna re ipsâ subsequatur, adeò ut etiâ ambo ad determinatum locum & ad actum propinquum pervenissent, si tamen pugna defacto quacunque ex causa impedita sit, censuras, aliasque poenas duellantium non incurrant: eo quod verba præfertim in poenalibus cum effetu sint accipienda. c. cùm super. 23. de Offic. deleg. P. Engl. b. 1. n. 7. Dian. p. 5. tr. 14. resol. 102. Dislentit Tambur. d. 5. 3. n. 15.*

24 *Proprium requisitum duelli solennis in eo consistit, quod habeatur loci securitas: quod literæ provocatoriæ, seu denuntiationis chartulæ (vulgò chartelli, Cartel dicunt) adversario mittantur: & Patrini, sociique ad id vocentur, ut colligitur ex Bulla Gregorii XIII. quæ incipit: Ad tollendum.*

§. VII.

25 *Finis duelli est vel demonstratio veritatis, aut innocentiae, vel decisiō litis, vel vindicta ob injuriam illatam. Laym. in Theol. mor. l. 3. tr. 3. p. 3. c. 5.*

§. VIII.

Efectus duelli sunt poenæ, quibus duellantium furor, & concurrentium pravitas compescitur. Sunt autem variae.

Jure *Decretalium* si Clericus alicui sponte duellum obtulerit, vel oblatum suscepit, sive vixit, sive vixit fuerit, de rigore juris est meritò deponendus. c. 1. b. t. & quando inde cædes, aut mutilatio sequitur, incurrit regularitatem, idque non solum, si in persona propria decerteret, sed etiam si per aliam substitutam personam ad duellum compareat, juxta textum, & communem Interpp. int. 2. Eod.

Jure *Tridentini* Imperator, Reges, Dukes,¹⁷ Principes, Marchiones, Comites, & quocunque alio nomine Domini temporales, quicunque ad Monomachiam in terris suis inter Christianos concesserint, ipso factò excommunicantur, suaque jurisdictione, ac dominio excludunt. Illi, qui pugnam commiserunt, & qui eorum patrini vocantur, excommunicationis, ac omnium honorum suorum proscriptio-
nis, perpetuae infamiae poenam incurront, & si in ipso conflictu deceperint, perpetuo Ecclesiastica sepultura carere debent. Demum etiam illi omnes, qui consilium in causa duelli tam in jure, quam facto dederint, aut aliâ quacunque ratione ad id quemquam sualerint, nec non spectatores, excommunicationis ac perpetuae maledictionis vinculo tenentur, non obstante quocunque privilegio, seu prava consuetudine, etiam immemorabili. Ita Trident. sess. 25. de Reform. c. 19.

Hanc saluberrimam Tridentinico institutio-¹⁸ nem Pius V. in Bulla, quæ incipit: *Ea, quæ à Prædecessoribus ampliavit, plures penas addendo, nempe penas criminis laeti Majestatis, carceris, inhabilitatis ad testamentum faciendum, & similes. Gregorius XIII. in Bulla, quæ incipit: Ad tollendum. exten-dit ad omnes illos, qui ex condicione statuto*

tempore, & in loco convento congressi sunt, etiam si nulli patrini ad id vocati sint, nec loci securitas habita, nec provocatoria literæ præcesserint. Clemens VIII. in Bulla, quæ incipit: *Huius vices, extendit, ut locum habeat ubique terrarum, etiam circa milites, ex privata iniuritia inter se duellantibus, eorumque Duces, Italia duella permittentes.* Præterea excommunicationis absolutionem Sedi Apostolicæ reservavit teste Barbos. in c. 1. n. 7. b. t. P. Engl. n. 5.

19 Verum constitutiones, & Bullas hasce in Germania non esse in tanto rigore receptas, notat Laym. d. p. 3. c. 5. n. ult. Quod verum puto saltem quoad poenam temporales, puta proscriptionis, privationis jurisdictionis, & infamiae, & forte etiam quoad reservationem excommunicationis, maximè ubi mors non fuerit secuta.

10 In ambiguo hæret: num vulneratus in duello, si ante mortem poenitentia signa dederit, & tam à peccatis, quam à censura absolutus fuerit, in loco sacro sepeliendus sit?

Negat Stephan. Gratian. *discept. forens.* 6. 411. n. 9. & seqq. ubi n. 13. refert declarationem Cardinalium. Affirmat Fragos. *de Reg. Reipubl. Chriſt. p. 1. lib. 1. disp. 2. §. 10. n. 9.* ubi testatur ita in praxi servari. Ego referre existimem, an vulneratus in ipso loco duelli, an alibi v. g. ex intervallo domum delatus decesserit? Casu priore verius est, eum à sepultura sacra excludendum esse: quandoquidem privatio sepulturæ est specialis pena duellantum, quæ non tollitur per poenitentiam, & absolutionem, & adhuc verificatur dispositio Tridentini, ac Bullarū Pontificiarum, quibus sepulturæ privantur, qui in ipso conflictu decesserunt. Casu posteriori, quamvis eodem, vel alio die recepta poenitentia mortuus sit, probabilius est, non esse privandum sepulturæ: quia licet ex duello mortuus sit, in ipso tamen conflictu, vel duel-

LIB. V. IN DECRETAL. LIB. V.

lo non decessit, quod in terminis ad incursum poenam privationis sepulturæ in Decreto Tridentini, & Bullis allegatis desideratur.

Jure Civili, si alteruter duellantum cecide. 21 rit, ratione poenæ Criminalistæ communiter distinguunt inter provocantem, & provocatum, ut si ille occiderit provocatum, poenam ordinariæ legis Corneliae, nempe gladii; ille vero, si provocantem, mitius, & extra ordinem puniendus sit ex ratione: quod ignoscendu*s sic ei, qui provocatus le uicilei voluit. I. qui cum major. 14. §. si libertus. ff. de Bon. libert. & quod provocatis semper jura faveant, cum difficultum sit injuriato, dolorem temperare, arg. I. 4. C. Ad leg. Jul de Adult. Clar. 5. sent. §. fin. q. 60. n. 18. Gail. 2. Observ. 110. n. 15. Berlich. Pract. concl. p. 5. Concl. 17. n. 9. Quæ distinctio displicit Antonio Matthæo. tit. 5. de Sicariis. c. 3. n. 8.*

TITULUS XV.

De Sagittariis.

IN e. nn. b. t. ab Innocentio III. sub poena excommunicationis prohibetur ars sagittariorum & ballistariorum in bello inter Christianos, & contra Christianos. Erant autem ballistæ machinæ quædam, quibus olim laxa, & sagittæ majores jaciebantur.

Verum haec in usu esse desierunt, & nunc utili- mur tormentis bellicis, quæ contra Christianos quoque usurpari, jam consuetudo invaluit. Neque horum prodesset prohibitio: cùm in bellis instrumenta vel maximè usui esse soleant, quæ hostibus sunt perniciosiora. Prohibendum potius esset, si fieri posset, ne Christiani inter se bella gererent.

O

TITU-